

B. N. C.  
FIRENZE

1034

29



1034 29

1034.29



~~XXXX~~  
CAES.

1034  
29

# I. CAESARII

CONSENTINI ORATIO IN EV

nere Ioannæ Aragoniæ, Hispaniæ, Siciliæ, Re  
gniq; Neapolitani Regiæ, & Caroli. V.

Imperatoris inuictissimi parentis  
habita.

Romæ 1555.

1034  
29



Illustriss. D. D. Bartholomæo de la Cueva S<sup>a</sup> & x  
Crucis in Hierusalem Cardinali amplissimo  
Marcus Valdesius Cardenas S. P. D.

**Q**Vanquã multa sunt Ioannis Cæsarii eloquens  
tissimi opera, quæ breui (ut spero) in lucẽ pro  
dibunt quæq; maximã vtriusq; linguæ studio  
sis utilitatẽ afferre poterũt, hanc unã tamen orationẽ  
quã ī funere clarissimæ Hispaniæ Reginiæ habuit, eo  
inscio, & inconsulto ædendã censui. Cum n. in hac  
tantorũ principum res gestæ, qui suis egregiis factis  
Hispaniæ nomẽ illustrarunt, elegãtius q̃s dici possit  
celebrẽtur, nefas esse putavi quicq; silentio, ac ne  
gligẽtia prætermittere, quod ad felicissimæ Hispa  
niæ patriæ meæ decus & gloriam augẽdã pertinere  
existimarẽ. & quoniã cõpertũ est Pater amplissime  
q̃s libẽter eius honori, ac dignitati prospicias: vtq;  
semper proprias fortunas tuorũ p̃cipũ utilitati p̃  
fractõ atq; cõstãti pectore posthabueris, orationem  
hãc & mea, & eius qui composuit causa, tuo nomini  
dicare, & cõsecrare decreui. Tũ vt meũ studiũ & ob  
sequiũ erga te, quod mei ẽt tuis olim maioribus de  
tulerũt, aliqua oblata occasione declararẽ: Tũ vt ele  
gãtissimæ orationi, cuius laudes nihil ẽt opus in p̃  
sentia recẽsere, tui nominis celebritate nouus nitor  
& splendor accderet. Hoc igitur munus (obtestor)  
ea beneuolẽtia complectere qua reliquas Hispaniæ  
res prosequi soles, ac talẽ te in tuendis sãtorũ regũ  
laudibus præbe, quales hactenus tuæ p̃claræ fami  
liæ duces in rebus gestis, á quibus hæ laudes dimas  
narũt, acerrimos se illis propugnatores ac defenso  
res præbuere. Vale.



**I** priuati homines, qui præclare se in re ali  
qua gesserunt, summis laudibus post obitū  
affecti, & publica sunt olim oratione celer  
brati, ut suis cuiq; tributus sit honos, quē ui  
rē ciuilis finē fere esse pleriq; dixerūt: quāto  
magis Patres amplissimi, cæteriq; auditores  
ornatissimi reges, & reginas cōmendari, &  
pro dignitate laudari debere putandum est.  
A quibus non sine Dei Op. Max. prouir

dentia, rerum publicarum gubernacula tractantur, & populorum sa  
lus cum uitæ cōmoditate curari solet. Hoc laudis genus non illis  
maxime debetur, q̃ post obitum sit ualde necessarium, sed ut nos no  
stro fungamur munere, ne ingrati, ac tot beneficiorum uideamur im  
memores, alijsq; principibus uitam uiuentibus calcaria adhibeamus,  
ut præclara factitantes, cum ē uita cesserint, simili laude se dignos  
præbeant. Præterea qui regēs, aut reginas cōmendat, Dei munus cō  
mendat, qui uerē bona omnia largitur, & à quo regnādi potestatem  
dari nemo est quin fateatur, uetus est. n. illud, omnis principatus à  
cœlo est. & Reges Dei filij, Deiq; simulacra nuncupantur. Itaq; cū  
Ioannæ Hispaniæ, ac utriusq; (ut appellant) Siciliæ reginæ post nior  
tem laudandæ sit mihi labor impositus, quanuis modicam dicendi  
faciliatē inesse mihi sentiam, tamen illum detractare, ac subterfu  
gere non potui, tum q̃ reginam multis de causis laudandam probe  
norim, tum q̃ eo sū natus ingenio, ut illas tacere uirtutes nō possim,  
quæ nostro seculo gloriæ, ac posteris exemplo esse ualeant, si uero  
cuncta, quæ dicenda forent, uerbis cōplecti non potero, non solum  
in uires n̄ eas, quæ perexiguæ sunt, uerūetiam in maximas temporis  
angustias transferendam esse culpam existimatē. Prius autem quā  
singulas quæ huius Reginæ tribuendæ sunt laudes recenscam, paucis  
la quædam de clariss. mi generis antiquitate differenda mihi sunt,  
nam si uelim omnia singillatim cōmemorare, dies quidem certe mi  
hi dicenti non sufficeret. Quis n. nescit Castellam, & Aragoniā  
familiam adeo claram extitisse, & à tot potentissimis Regibus fuisse  
illustratam, ut abhinc multos annos nullæ scribi potuerint historiæ,  
quin de præclatissimis illorum regum facinoribus facta sit mentio?  
Longa narratione opus esset, ac historicum potiusquam oratorem  
agere uiderer, Si quæ de Ferdinando (ne rem altius repetam) in me  
dium proferenda essent, & iam pridem literis cōmendata sunt, uobis  
enarrarem. Ille n. tot egregias uirtutes per totum uitæ curriculum  
ostendit, quot nunquam alij reges in laude uersati, & gloria circum  
fluentes præse tulere. Nam quis illius benignitatem in fratris filiū  
perpetuo prædicandam non censuat, ut Lycurgo sapientissimo uiro,



qui eundem se fratris filio præstitit, non iniuria sit conferendus? Cū .n. Henricus frater natus maior & Castellæ Rex moriens filium suū quinq; natum menses, illius fidei ac tutelæ cōmendasset, non multo post tempore populi, qui Regis ætate prouecti consilio, ac diligenti administratione indigebant, illum uno omnium consensu Regē elegerunt, suntq; uehementer exhortati fere impellentes, ut Regia corona se redimiri permetteret: Ferdinandus ut populari furori materiā subtraheret, respondit se omnia libenter esse facturum, quæ populis non displicerent precatus est tamen primarios, ut priusquam Regijs insignibus esset exornandus, quæcūq; ipse faceret, ceteri quoq; libenti animo facturi essent, quod simul ac omnes iureiurando spondponderunt, Toletum, ubi Regius erat apparatus, Regniq; potestatem populorū impulsu sibi erat assumpturus, accessit, iussitq; cōstitutæ die, nutricē, quæ fratris filiū gestabat, in mediū addere. hunc ille suis manibus in altū subtulit, huius tanquā ueri, & legitimi Regis dexterā osculatus est, quod cum primarii aspexissent, maxima affecti admiratione, ac Ferdinandi in fratris filium beneuolentiam, & fidem suspicientes, facto concursu, pueri dexterā similiter sunt osculati, eumq; certum & legitimum Castellæ Regem declararunt. Quis est adeo à ratione auersus, ac alienus, ut tantam Ferdinandi fidem, & integritatem posteritatis memoria dignam non arbitretur: Celtiberi uero postquam illius probitatem, ac admirabilem in rebus gerendis solertiam acceperunt, Rege carentes, illum ad Regnum accersuerunt, ac supra omnium expectationem Regio munere fungentem tanquam numen sunt uenerati. compertum est etiam quantum gloriæ sibi Alfonso comparauerit, qui cum magna militum manu in Italiam ex Hispania traiecit, hostes profligauit & sedit, sibiq; regni potestatem feliciter asciuit, hic præterquam q; in bellis gerendis adeo fortis & magnanimus extitit, ut sciētia rei militaris facile in posterum præluce, seq; immortalitati cōmendare potuerit, nam literis operam dedit, ut in utro exercitationis genere maiorem sit laudem consecutus, pleriq; in dubium, & controuersum reuocent, turpissimum .n. esse putabat fines regni propagare, & diuitiis, quæ repente amitti possunt, et à fortunæ temeritate pendent, abundare, animum uero, qui uere noster est claris ingenijsq; partibus non excolere, ac per inertiam, & socordiam turpiter ætatem agere. nihil etiam sempiterna dignum gloria fieri posse iudicauit, nisi maiorum exempla ponantur ob oculos, quæ uiri doctissimi literis elegantissimis consignarunt. Subsecutus est Ferdināndus, qui à uirtute paterna non degenerans nihil unquam agere ausus est, quod deo qui penitissima quæq; inspicit acceptissimum, & uiris sapientissimis gratissimum non foret, Clauum tenens ita rem p. administravit, ita sapienter gessit, ut à recta semita detorqueri prauisq;

cupiditatibus irretiri nunquam potuerit, ita omnium salutis, & utili-  
 tati prospexit, & consuluit, ut suam periculis uitam cōmittere non  
 dubitauerit, quanto .n. cum animi & corporis robore Turcas im-  
 manissimos, qui campos inuasent salentinos, fugauit & expulit, ac  
 præter omnium expectationem, uictoria, quam assequuti hostes uide-  
 bantur, magna cum laude potitus est, ex qua tutissimam quietem  
 Neapolitano Regno, quod sæpe malis uexatum est uariisq; rerū flu-  
 ctibus agitatam, attulit, multosq; annos conseruauit. Quid de illo  
 Alfonso dicā? qui licet ita miseriis, & calamitatibus fuerit oppres-  
 sus, ut in Siciliam Regia potestate priuatus transmittere coactus sit,  
 nunquam tamen animo cecidit, nunquam de gradu deiectus est, forti-  
 constantiq; pectore mala, quæ solent hominibus euenire, pertulit,  
 suaq; prudentia multa tentauit & expertus est, ut se in pristinam di-  
 gnitatem fortiter cum fortuna luctans restitueret. Quid de Ioanne  
 Hispaniæ Rege, nonne hic etiam celeberrimis Aragoniæ, Castellæq;  
 familiæ Regibus est inferendus, qui sui regni terminos non excedens  
 libidines coercuit, omnes cupiditates perdomuit, nulloq; amplifcan-  
 dæ fortunæ desiderio flagrans, in uitæ perpetuitate constitit, ac in-  
 nullo claudicauit officio? Huic successit Ferdinandus filius, qui uir-  
 tutem sequens paternis uestigijs insistere conatus est, sed paterno Re-  
 gno non contentus, multa, quæ in Africæ ora maritima sunt, oppida  
 munitissima expugnauit, immanes populos, qui noui appellantur  
 Indi, & quos ueteres illi prorsus ignorarunt, sub iugum misit, a ser-  
 uo uictu deterruit, & sine lege uiuentes, nullamq; Dei ueri notitiam  
 habentes, ad Christianā religionem affirmatis animis colendam per-  
 duxit, & sacris aquis abluit, armis decernens hostium in Italia frigis  
 audaciam, sibiq; omnem Neapolitani Regni dominatum uendicās  
 bellorum incēdia iā pridem excitata solerter extinxit, sanctissimæq;  
 religioni una cum Isabella Castellæ Regina prudentissima, & inter-  
 gerrima uxore additus, meruit catholicus (ut vulgi utar uocabulo)  
 nuncupari. Si temporis opportunitas mihi daretur, & si à re mihi  
 proposita digredi non opus esset, multa etiam de hac Isabella Ferdi-  
 nandi coniuge dicere possem, quæ longa indigent historia. notum  
 est. n. quemadmodum cum uiro suo Iudæos ex Hispania fugauit,  
 mauros & Bethicæ expulit, multaq; alia memoratu digna, supra quā  
 cuiquam credibile est ædixit, siquidem non solū in Hispania uerū  
 etiam Romæ templa construxit, ac deo pie Augusteq; cōsecrauit, sed  
 alio mihi properandum est. Huius Isabellæ ac Ferdinandi Re-  
 gis filia fuit Ioanna, cui nunc parentatur, & ad quam pro ingenij ui-  
 ribus celebrandam omnis hic meus pertinet sermo, nam si uelim  
 cunctos Aragoniæ Castellæq; familiæ Reges enumerare, longo uer-  
 boꝝ circuitu uobis molestiā exhiberē quā maximā. Sed Federicus

mea quidē sententia tacendus non ē, qui licet illud a fortuna unius  
acceperit, quod nunquam obligari potuit, laudandus tamen est, &  
memoriæ prodendus, ob incredibilem in casibus perferendis constā  
tiam. Hic enim quamuis ē Regno suent miserabiliter expulsus,  
nullis potuit dolorum facibus admotis exterreri, ualloq; constantiæ  
munitus putauit humana sic fluere, sic incerta esse, ut ē manibus lar  
bi, ac paulo momento amitti possint. Cræsum ā Cyro deuictum, ac  
Polycratem Sarniorum Regem crudeliter in crucem ab hoste subla  
tum frequenter in memoriam reducebat, secp in maxima rerum diffi  
cultate uersantem peioribus aliorum regum calamitatibus consolar  
batur. Fuerunt Aragonij Reges omni uirtutum genere excellentes,  
Sed nihil est in orbe terrarum quod diu permanear, cūcta fluunt, om  
nisq; rerum facies ætate procedente muratur. Accepistis Aegyptios  
olim fortunatos, accepistis Assyrios, & Persas florentissimos, accepi  
stis Græcos Asiæ regnum occupasse, sed quis nūc illorum status est?  
Corruit tandem Romanorum imperium: quod satis aperto nobis est  
argumento, nullam perpetuam esse potentiam, nullamq; felicitatem  
valde diuturnam. Sed Aragoniorum fortuna non est sane deploran  
da, Nam translata est regnorum potestas in Carolum Cæsarem Ioan  
næ reginæ filium, qui Aragoniæ Castellæq; familiæ decus tuetur &  
sustinet, & cuius laudes in aliud mihi tempus differuntur, cum neces  
se habeam ad Ioannam ipsam clarissimam illius parentem orationē  
conuertere, hanc enim potissimum laudibus honestandam mihi pro  
posui. fuit hæc præter paterni materniq; generis vetustissimam claris  
tatem corpore adeo pulchro uenustiq; ut qui eam conspicerentur,  
vere dignam imperio existimarent, habebat enim aptam membrorū  
compositionem cum quadam coloris suauitate, talemq; formam præ  
se ferebat, ut ex ea reconditos mores unusquisq; cognosceret, affert  
.n. coniecturam tacita corporis figura, ipsumq; animum sapius in  
dicat, varijs etiam uirtutum generibus enituit, quibus iam inde ā pue  
ritia naturæ impulsu se addixit, ut diuino consilio ad regnandum na  
ta videretur. Quocirca probitatem annis maturiorem cunctis plane  
admirantibus ostendit. nihil agere, nihil plane loqui audebat, quod  
ætati uerecundæ, & regijs moribus instituendæ non conueniret, siq;  
sponte ad ea propensa ferebatur, ad quæ sagax, & sedula nutrix, ut  
suo fungerei munere, solebat hortari, crescebat ætas, crescebat pudor,  
& honestatis amor. Iā vero nubilis Philippo tunc p̄potenti clarioq;  
Austriæ dño & Maximiliani Imp. filio nupta est, qua uerborū cor  
pia, quæ sententiæ grauitate, possem vobis exprimere. P. amplissimi  
quā tēperatē q. iā prudētē in coniugio, & in cōmuni regnorum ad  
ministratiōne se gesserit ē licet enim in altissimo rerum gradu fuisset  
fortuna collocata, nunquā tñ se insolenter efferebat, sed placide cor

miterq; omnes alloquebatur, ac de sua grauitate non nihil remittebat, Philippum virum suum ad regiam potestatem connubij iure euectū vt probam & religiosam decet mulierem, singulari beneuolentia cōplectebatur, scribat enim virum & vxorem duo esse corpora sic à Deo vinculis arctissimis astricta, deuinctaq; vt absq; nefario scelere dissolui non possint, Tantum vero voluptatis interdum capere consuevit, quantum personę decorum patiebatur, ratioq; ipsa postulat, non enim molliter & nimis delicate viuerebat, putabatq; illas inopia consilij laborare, quę fortunę bonis locupletatę nihil aliud nō etes atq; dies temere cogitant, nisi quo pacto possint noua perfundi voluptate: & quę cibis exquisitissimis vefcentes pinguescere cupiunt, perinde quasi animam pro sale habeant, ac fucis oblitę & mile się vestibus indutę, vt spectentur, in medium prodeunt. Hasc mulieres Ioanna, quę fuit vnicū virtutis exemplar, detestabatur, & ceruere oculis non poterat: Nunquam. n. modestię fines transiliuit, nunquam extra pudicitię cancellos egressa est, eamq; se prębuit in regio munere obeundo, vt populis, quibus hæreditario iure dominatę, æqui boniq; obseruantissima iocundissima esset, sic enim iustitiam colebat virtutum omnium reginam, ut nihil ea duceret antiquius, Regerq; suę tantum utilitati consulentes una omnium conspiratio ne putaret expellendos Nihil periculi poterat intendi, nihil imminere quod multo ante non videret, suocq; cum viro sagacissime consultabat quomodo res tuto cōsisteret, suęq; fortunę ab hostiū impressione, omniq; periculo conseruarentur, ex quibus liberaliter pauperibus pecunias erogabat, pupillos alebat, viduarum inopiam subleuabat. Quot virgines lenonum insidijs expositas honeste collocauit? Quot mulieres filiorū & filiarū turba circūseptas, quę victū precario quęritabant sustentauit? Quot ære suo tēpla erexit? Quot in sacra ijs aurea dona Deo diuisq; oblata reposuit? In unaquaq; re agēda Christum opt. max. ferebat in oculis, cunctaq; iusto examine perpendens, licet regina esset, humana tamen se lege procreatam cogitabat, quare nihil vnquā perpetrare uisa ē quod diuinis præceptis repugnaret, legibusq; ad reip. vtilitatem iam pridem sancitis aduersaretur, quamuis enim vtriusq; sexus prole se felicissime auctam uideret, ut partim filij, partim filię cunctos serē Christianos populos in suam ditionem redegerint, multum tamen sibi non tribuebat, omnemq; gloriam Deo patri, à quo cuncta bona proficiuntur deferendam esse arbitrabatur. siquidem gessere non solebat Helionoram filiam aspiciens Lusitanę primum, deinde Gallię reginam, quę Francisco regi potētissimo nupserat, nec multum sibi plăcebat, quod Isabella bellam opulentissimus Dacorum rex haberet in matrimonio, Mariz Pannonia pareret, & Catarinę Lusitania, quanta fuit Ioannę felici

tus, quæ cum regina esset quatuor peperit Reginas. Nonne illud quod  
 sequitur summæ etiam laudi ducendum est? exultantem enim lætiti-  
 am comprimere, Ferdinandum filium vidēs Bohemiæ Pannoniæq[ue]  
 dominari, & Romanorum Regem appellari, ac nuperrime audiens  
 Britanniam Philippi clarissimi nepotis imperio subiectam. Quis il-  
 lius fortitudinem & prudentiā in vtrāq[ue] Caroli imperatoris inuisitissi-  
 mi filijq[ue] sui iocundissimi fortuna non admiretur? Cum .i.n. Carolus  
 tot rebus gestis, totq[ue] egregijs factis, quæ persequi longum esset, impe-  
 ratoribus, qui abhinc plures annos florere, palmam eripuerit, multos  
 populos subegerit, multasq[ue] victorias reportauerit, quæ iure opti-  
 mo sunt ad posteritatis memoriam propagandæ, Ioanna mater eodē  
 vultu, eodemq[ue] animo semper sibi constitit, nō immoderato gaudio  
 triumphauit, non potuit sic efferri vt nimium gloriam videretur. Cū  
 vero idem Carolus à fortuna nonnunquam fuerit afflictus, quæ se-  
 pe bonorum consilia interturbat, resq[ue] laudabiliter inceptas interrū-  
 pit, non multum illa commouebatur, ac dicebat rerum vicissitudinē  
 æqui boniq[ue] faciendam, nam si cuncta succederent votisq[ue] respon-  
 derent, Deus qui potest ima summis æquare, summaq[ue] imis, non faci-  
 le cognosceret, ac homines felici rege oīumuentū sine dubio desipe-  
 rent. Sed quo mea prouecta est oratio. quantum illa res humanas de-  
 spexit, simulac Philippum virum suū, quem vnice diligebat, de vi-  
 ta migrasse vidit, quidquid regnorum habebat parū pendit, formā,  
 nobilitatem titulos, cunctaq[ue] insignia contempsit, humanæq[ue] vitæ  
 fragilitatem sollicito animo cogitans in secretum cubiculum se abdi-  
 dit, & Philippum mortuum eodem prosequens amore, quo fuerat  
 viuū prosecuta, ut Artemisæ nihil concederet, Christi simulacrū  
 frequenter amplectebatur, multosq[ue] annos Regium luxum, & appar-  
 ratum negligens tanquam priuata mulier uitam sanctissime traduxit.  
 Tandem cum senio confecta in grauem & mortiferū morbum inci-  
 disset, communem moriendi legem patienter ferens, cœlum erecto a-  
 nimo suspiciebat, cœlestemque vitam contemplabatur, cumque  
 animam ferme efflaret se cæto sentire dixit Christum suæ animæ mi-  
 sereri, quod cum dixisset, mortua est, & ad cœlum euolauit. Cuius  
 mortem non est. P. A. cur lacrimis prosequi debeamus, nam senili  
 ætate secundum naturæ legem diem suū obiit tot tantisq[ue] affluens  
 bonis, quot & quanta potuere unquam à Regina desiderari, præter  
 rea nobis illos reliquit hæredes, qui suis maximis uiribus monstra  
 superantes terra mariq[ue] omnia pacabunt, & christianæ Religionis  
 acerrimi propugnatores diuinæ uentatis hostes propellent, & exter-  
 minabunt.

Dixi.











